



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romae, 1863

De Vigilia Epiphaniae.

[urn:nbn:de:hbz:466:1-72708](https://nbn-resolving.org/urn:nbn:de:hbz:466:1-72708)

DE VIGILIA EPIPHANIE.

V JANUARI. **D**e antiquissimo sanctissimoque ritu Vigiliarum, ac hujus nominatim, agit fuse Baronius in Notis suis ad Martyrologium Romanum hoc die, et Galesinius. Hanc

Vigiliam pleraque cum Romano expriment Martyrologia, et liber Sacrament. S. Gregorii.

DE S. TELESOPHO PAPA ET MARTYRE.

CIRCITER AN. CHRIST. CLIII. V JANUARI. **S**ancti Telesophi Papæ et Martyris vitam scripsit Notisque illustravit Zegerus Paullus Ordinis Carmelitarum Theologus et Monasterii Coloniensis Supprior. Colitur a sacro illo Ordine v Januarii; quamquam Hrabani, Notheri atque alia nonnulla mss. Martyrologia v Januarii ejus Natalem consignent. Liber quoque de Romanis Pontificibus, alterque sub nomine Luitprandi Ticinensis editus, Abbo Floriacensis iv Non. Januarii martyrio coronatum scribunt. Restituit hoc festum Clemens VIII, vel potius instituit commemorationem, ut testatur Gavantus comment. in rubric. Breviarii sect. 7, cap. 3.

NOT. 76.

VITA

AUCTORE R. P. SEGERO PAULO

ORD. CARMEL. THEOLOGO.

§ I. Sub Antonino Imperatore florescente Ecclesie statu, floret quoque vetustum Prophetici, seu Eliani Ordinis Institutum Monasticum.

* Polius 138.

a

b

c

S. Justinus apologiam pro Christianis scribit.

Vetus institutum Eliæ Prophetæ, sive Carmelitarum.

Cum anno Christi quadragesimo supra centesimo mortuo Adriano Augusto, Antoninus ad Romani arcem Imperii evectus esset, Christiana per orbem fides, quæ sub Adriano Cæsare a persecutionis rabie respirare nonnihil coeperat, sub hoc eodem Antonino ampliori pace frui visa est. Nam sicut Hadriani tempore B. a Quadratus Propheta, Athenarum Episcopus, et b S. Aristides, philosophus Christianus libellos pro Ecclesia Apologeticos Imperatori exhibuerunt, ex quibus is comperta fidelium innocentia, ratus est iis parcendum esse; sic quoque imperante Antonino c. D. Justinus ex Philosopho Theologus Christianus Romæ docens, Imperatorem (exhibito ipsi et senatui Apologetico libro) deterruit a Christianis cruciandis; tametsi non ipsius mandato, sed ex sententia potius Præsidentum, et furore Gentilium nonnulli sub eodem Cæsare (veluti et ipse S. Telesphorus Papa) martyrium passi legantur, ante nimirum a Justino habitam Apologiam. Ipse namque Antoninus cognomento Pius, bonitate, amore et auctoritate Imperium, velut alter Salomon, perpetua pace, nullo penitus bello gesto continuavit annis viginti duobus et ultra; subinde illud Scipionis dictitans: Satus est unum civem conservare, quam mille hostes perdere: et principatum aieni non per severitatem, sed a clementia auspicandum esse.

2 Sub hoc itaque Imperatore pacifico, non tantum Christi fideles feliciorum aspiciant statum Ecclesie, sed et Prophetici seu Eliani Ordinis florebat Institutum Monasticum; quod vetus Carmelitarum Religio a tempore magni Eliæ Prophetæ usque in

præsens, licet varie temperatum, d Hereditaria successione, ut plures loquuntur Romani Pontifices, continuatum servat: quodque hoc etiam S. Telesphori sæculo non paucos utriusque sexus in variis mundi partibus sectatores habuit; usque adeo, ut ad ipsius quoque Ethnicæ Cæsaris Antonini aures ejusdem vetustæ Religionis fama nomenque pervenerit. Eo namque tempore, quo viri doctrina ac scriptis illustres apud Imperatorem in pretio habebantur, (qui nihil inconsultis gravibus viris negotiorum peragisse memoratur) florebat Galenus medicorum Coryphæus, Proclus Philosophus, Aulus Gellius, Balbinus, ac plures alii.

d

NOTÆ

EJUSDEM R. P. SEGERI PAULLI

IN VITAM S. TELESOPHI.

Vita hujus Pontificis breviter scripta reperitur in antiquo ms. Codice Carthusiæ Coloniensis, item apud Petrum de Natalibus lib. 2, cap. 46. Cornelium Grastum Carthusianum Tomo 1. Petrum Ribadeneiram Soc. Jesu: quibus inter alios auctores in hac vita conscribenda usi sumus. Meminerunt porro hujus quoque Telesophi, Martyrologia Romanum, Bedæ, Usuardi, Adonis, vetera manu-scripta ac recentiora omnia. Ejusdem insuper ex antiquis Scriptoribus mentionem faciunt Irenæus, Epiphanius, Eusebius, Optatus, Tertullianus, Augustinus, Nicephorus, et alii apud Baronium in Notis Martyrologii. Plures vide infra ad § 3.

Qui de S. Telesopho scripserunt.

a Quod hoc loco S. Quadratum Episcopum (de quo Martyrol. Rom. 26 Maii) Prophetam præ aliis appellemus, docuit nos Miltiades scriptor antiquus (qui an. Christi 173, floruit) apud Eusebium Cæsariensem hist. Eccles. lib. 5, cap. 16, ubi ista legitur: In eodem libro Prophetas novi Testamenti recitat, quibus Ammiam quemdam, et Quadratum annumerat. Et post pauca predictus Miltiades eundem Quadratum Atheniensem et Ammiam Philadelphensem cum SS. Agabo, Juda, Sila, et Philippi filiius novæ legis Prophetis, recenset: qui non ideo tantum specialiter Prophetæ appellantur, quod prophetæ dono seu spiritu predicti fuerint, nam et hoc multis aliis Sanctis temporibus istis commune fuit; sed quam maxime quod Prophetici Ordinis sectatores extiterint, cujus professores olim Prophetarum filii, hoc est discipuli, et a D. Hieronymo veteris legis Monachi appellati leguntur. Et ideo iidem, qui supra, Agabus, Judas, Silas, et alii quidam a Palæonydoro, et Didaco de Cória in Annalibus suis expresse inter Eliani seu Prophetici ordinis viros recensentur.

S. Quadratus Episc. Athenien. Prophetæ Carmelita, ut plures alii.

b De Sancto autem Aristide philosopho Christiano, agit Romanum Martyrologium ad xxxi diem Augusti.

c De S. Justino xiii Aprilis.

d Hereditariam successionem a tempore S. Eliæ, Carmelitarum Ordinem usque in præsens retinere, ut in hoc 1 § dicitur, testantur præter alios recentiores Romanos Pontifices, Sixtus IV, in Bulla quæ incipit, Dum attenta meditatione, etc., data Romæ. Anno Christi 1476, 4 Kal. Decembris. Julius II, anno 1504, et Gregorius XIII, anno 1577. Qui omnes uno ore sic proloquuntur post alia: Et inter ceteros Regularium Ordinum professores in firmamento Catholice fidei militantes, tanquam Religionis speculum et exemplar specialis caritate fulgentes, Sanctorumque Prophetarum Eliæ, et Elisæ, et Enoch, nec non et aliorum Sanctorum Patrum, qui Montem Sanctum Carmeli juxta Eliæ fontem inhabitaverunt, successionem hereditariam tenentes, etc.

Carmelitarum ab Eliâ descendunt.

Sic illi. Noverint autem simpliciores, hæc lecturi, predictum S. Enoch non illum esse qui dudum ante Eliæ tempora translatus 7 Julii.

S. Enoch de Anathim.